

**03.10.1990**

<b>Zasozjednoćenje Němskeje -</b>	<b>Wiedervereinigung Deutschlands</b>
<p>Dnja 22.awgusta1990, šěsć tydženjow po pjenježnej uniji ze zawjedženjom hriwny we wuchodnej Němskej, rozsudži přeni raz swobodnje wolena Ludowa komora na wurjadnym posedženju z 294 přećiwo 62 hłosam (a 7 hłosa-wzdaćemi) přistup k ZRN, po tym zo bě přenje wothłosowanje k tomu dnja 08. awgusta dla nic docpětych trěbnych dvě třecínje hłosow zwrěšćilo ...</p> <p><b>„Ludowa komora zwurazni přistup NDR we wobłuku zakładneho zakonja Zwjazkoweje republiki Němskeje po artiklu 23 Zakładneho zakonja ze skutkownošću wot 3. oktobra 1990 sem.“</b></p> <p>Z tym přewjedže so juristisce znowazjednoćenje Němskeje 329 dnjow po potorhanju murje dnja 09.11.1989.</p> <p>Tutón rozsud měješe wliw na žiwjenje kóždeho wobydlerja Němskeje - a wězo tež na naš Radwor!</p> <p>Tola tak jednotne euforiske měnjenje pola ludži zdžěla njebě, štož pokazuje scěhowacy wurězk z tehdyšeho nowinarskeho artikla:</p> <p><i>Město znowazjednoćenja abo přistupa rěča mnozy we wuchodze - a tež na zapadze - Němskeje wo přewzaću abo přizamknjenju: Zapad je NDR spózrěł, zarjadowany do kapitalistiskeho systema ZRN. Strach před pozhubjenjom identity, před tym, so za wotežku wzaty čuć a hospodarsce nic sobu dzeržeć móc, je wulki. Tež na zapadze knježa strachi: Kónc džělenja móht woznamjenjeć, džělic dyrbjec - a w přichodze so wšelkeho wzdać dyrbjec. Budže kraj něhdyšeho „hospodarskeho džiwa“ telko solidarity tež financelneje přetrać?</i></p> <p>Kóždy njech za sebje hódnoći, do kotreje měry tehdy artikulowane wobmyslenja woprawnjenje mějachu a kelko z nich je džensa woprawdže rozrisane!</p> <p>We wjetšich městach wotměwachu so tež ludowym swjedženjam podobne zarjadowanja - na kraju pak powšitkownje skerje njeběchu. W Radworju samym bě 03. Oktober 1990 cyle normalna srjeda, bjez kulturnych abo druhich wjerškow...</p>	

[start](#)

From:  
<http://82.165.187.122/> - Radibor - Chronik

Permanent link:  
[http://82.165.187.122/doku.php?id=19901003\\_wiedervereinigung&rev=1671208863](http://82.165.187.122/doku.php?id=19901003_wiedervereinigung&rev=1671208863)

Last update: 2022/12/16 16:41

